



Kalaallit Nunaanni suliffigissaaneq pillugu siunnersuisoqatigiit
Det Grønlandske Arbejdsmiljøråd

Tusagassiuutitigut nalunaarut

Kalaallit Nunaanni sullivinni avatangiisit pillugit suliniarnerup nukittorsarneqarnera

‘Annerusumik akiliisitsisalerneq, sulisitsisup sulisullu akisussaaffiinik allanngineq aamma sanaartornerup iluani ataqatigiissarisutut ilinniarneq nutaaq Kalaallit Nunaanni asullivinni avatangiisit pillugit suliniarnerup nukittorsarneqarnissaanik kinguneqassapput’. Sullivinni avatangiisit pillugit maleruagassat nutaat, jannuaarip aallaqqaataaniit atuutilersussat (2013), pillugit Kalaallit Nunaanni Suliffigissaanermut Siunnersuisoqatigiit siulittaasuut, Ivalu Egede, taama oqarpoq.

Sullivinni avatangiisit pillugit inatsimmi nutaami maleruagassanik unioqqutitsisoqarsimappat, tamannalu sulisup ajoquserneranik annertuumik kinguneqarsimappat, taava Kalaallit Nunaanni sulisitsisut siunissami ullumikkornit marloriaammik akiliisinneqartalissapput. Tassa Kalaallit Nunaanni sullivinni avatangiisit pillugit inatsisip, jannuaarip aallaqqaataani 2013-imi atuutilersussap, malittarisassiaasa nutaat ilaat.

Tamatumunnga peqatigitillugu pinerluttaalisitsinermi inatsit malillugu sulisitsisup sulisullu akisussaaffii allannguuteqassapputaaq. Tamatuma sulisitsisumut kingunerissavaa sulivimmi avatangiisitigut isumannaallisaaneq peqqinnissarlu eqqarsaatigalugit pisinnasani tamaasa iliuuserisimagunigit akisussaaffimminik annikillisaavigineqarsinnaanini. Peqatigitillugu sulisut akisussaaffii sakkortusineqarput piaaralutik mianersuaalliorujussuarlutilluunniit maleruagassanik unioqqutitsisimagunik, naak sulisitsisup inatsisit piumasaqaataat naammasisimagaluarai.

‘Maleruagassat nutaat siunertaraat Kalaallit Nunaanni sullivinni avatangiisitigut suliniuteqarnerup nukittorsarneqarnissaa, naatsorsuutigineqarmammi sulisitsisut sulisullu pineqartut ajutoornaveersaartitsinerulernissaat, taamalu suliffimmi ajutoornernik nungullarsaanernillu ikilisitseqataallutik’, Ivalu Egede, Kalaallit Nunaanni Suliffigissaanermut Siunnersuisoqatigiinni siulittaasoq, oqarpoq.

Taamattaq sanaartornerup iluani ataqatigiissarisutut ilinniagaqarnerup nutaap kingunerissavaa sanaartornermik sulliviit, sulisitsisunik ataatsimit amerlanerusunik peqateqarlutik sanaartorfimmi suliaqarunik, ataqatigiissarinermik ilinniagaqarsimasumik ataqatigiissarisooqarnissaat, tamannalu sullivinni avatangiisit pillugit suliniuteqarnermik nukitersaaqataassaaq, Ivalu Egede isumaqarpoq:

- Maleruagassat nutaat kingunerissavaat sanaartorfiusuni tamani, sulisitsisumit ataatsimit amerlanerusunik sulisitsisoqartuni, tamatigut inoqartassasoq sulisut isumannaatsumik peqqinnissakkullu ajoqusiinngitsumik

suliffeqarnissaasa isumaginissaannut pisinnaasalimmik. Tamanna sanaartornerup iluani sullivinni avatangiisit pillugit suliniuteqarnerup erseqqivissumik nukittorsaatigissavaa, Ivalo Egede oqarpoq.

Kalaallit Nunaanni sullivinni avatangiisit pillugit inatsisip allannguutissaanik siunnersuut suliffissaqartitsinermit ministerip, Mette Frederiksenip, novemberimi 2012-imi saqqummiuppaa, Kalaallit Nunaanni Suliffigissaanermut Siunnersuisoqatigiinnit siunnersorneqarnini malillugu. Allannguutissat Namminersorlutik Oqartussanit taparserneqarput.

Paasisutissat amerlanerusut pineqarsinnaapput attaveqarfigigaanni: Siulittaasoq tullia Lisbeth Frederiksen tlf., + 299 322550 / + 299 530635.